




A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Matona
'a
itlama****O khoba sechaba
matšoafo****TLHEKEFETSO E NKILE MOJAO****Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597



MOELETSI Matona 'a itlama

Lekhoaba le lahla nama

Nthabeleng Seitlheko

Ha litheko tsa lijo li theoha mabenkeleng haholo phoofo ea poone; lintho li peli tse tlang ka kelelong ea motho: 'muso o entse letsoho la monna kapa chai e bile ntle. Ka lehlohonolo se etsahetseng selemong sena ke taba ea ho qetela, Basotho ba atlehile ho kotula poone hoo ba ileng ba rekisetsa Leloala le Lehola la Lesotho. E se e batla e le makhetlo a mangata joale re bona 'muso o tšehetsa temo ka ho matlafatsa lihoai; ho li thakela ka malebela le ho li fa libelisoa tse hloka-halang. Motho h'a entse hantle ke bohlokoa ho bua; tlas'a maemo a sokolisang a phetoho ea boemo ba leholimo lihoai li atlehile ho ba le chai 'me tumelo ke hore 'muso o na le seabo tabeng eo.

Tlala ena e ileng ea phatlalatsoa khahlanong le Lesotho selemong se fetileng, ekare Basotho ba tla e hlola ha ba ka ikitlaetsa 'me ba sebetse kathata le hona ho itela temong. Lipula li ntse li theoha leha e se ka sekahla se sekaalo, ka hoo Basotho ha re nkeng mehoma re theohelang masimong re tlohele ho a rekisa litša. Chelete ea setša ha e nke le beke e ntse e le teng, empa tšimo ke letlotlo leo u tla le siela le litloholo tsa hau tse tla e sebelisa ho lema. Kopo-thapeli e kholo e lebisoa ho bacha; ha re keneng temong ka matla hobane ha le sheba ke eona e tla thusa naha ena e se tabeng ea ho loantša tlala feela; empa ho holisa moruo esita le ho loantša tlhokahalo ea mesebetsi.

Har'a tšokolo e teng mabapi le litokomane tsa boitsebiso, libukana tsa ho eta le litšebeliso tse ling tse fumanoang Lekaleng la Puso ea Libaka, Borena, tsa Lehale le Sepole-sa ke moo ho khinnoe litšebeliso. Letona le ikarabellang le supa ha sena se entsoe ka lebaka la ho sireletsa sesiu sa naha kamor'a hore ba ikarabellang litabeng tsa marang-rang lekaleng leo ba eletse hore ho etsoe joalo ka lebaka la qholotso e neng e tobile marang-rang. Mohlomphehi o tiiselitse sechaba le ho se khoba matšoafo ka hore ba ntse ba sebetse kathata ho khutlisetsa maemo setloaeling, 'me haufinyane tsohle li tla ba thekeng la tšoeane. A tšepisa hore ka lebaka la tlhokahalo ea litokomane tseo nakong ena ea selemo, bahlanka ba lekala ba tla sebetse lihore tse fetang tsa tšebetso ho koala sekheo se bakiloeng ke tšitiso ena.

Ho na le sello koana Ntlong ea Bakhethoa ba Sechaba moo ho bonahalang maparamente a se a lofa mosebetsi oa ho ea paramenteng. Bolofa bona bo sitisa tšebetso e tloalehileng ea ntlo le hore lintho tsa bohlokoa tse lokelang ho tšohloa le ho fetisoa li se ke tsa etsahala. Maparamente a ipabotseng haholo ntlheng ena ke a ka pusong, eleng se hlolang haholo hobane ha se khale ha puso e keteka lilemo tse tharo tsa kopanelo 'me e etsa nalane. Joale lekhoaba e se e le ha le lahla nama! Matona a tsoa boikhutsong moo ba tšepisitseng ho tla sebeletsa sechaba ka boitelo bo fetang ba pele. Ekare ba tla hamela letanenteng kaha bo-mphato'a bona ba hlaola ba furaletse. Potso e 'ngoe e ntse e le hore na bahlomphehi ba phetha mabaka afe a bohlokoa ntle le a amanang le sechaba?

Lekala la Liphatlatlatso, Likhokahanyo, Mahlale, Tšebeli-so ea ona le Boqapi ka kopanelo le UNDP le ntse le haola le litereke tsa Lesotho ho ruta bacha ka litaba tsa boqapi. Sepheo le morero ke hore bacha ba ithehele mesebetsi ka ho sebelisa bona boqapi boo hobane talenta eona e teng ebile e ngata kahar'a Basotho. Taba ena ea boqapi ehlile ha e-s'o thophothele hantle sechabeng, e ntse e ka bosoasoi tjena le hoja e le bohlokoa ebile e ka tliša phetoho e kholo. Lekala la Toka le Molao le lona le eme ka maoto ho bona hore boqapi bo sireletsoa ka molao e le hore beng ba bona ba fumane mokhoa oa ho iphelisa le hona ho etsa tsohle ka bolokolohi ba sa tšoe letho. Linaha tse ling ha re bua tjena li se li ntse li phela ka bona boqapi bona; ho tseba mang e ka 'na eaba re ntse re sebelisoa lihlahisoa tsa tsona empa re koekoetla tsa rona. Ka boikatletso ba lekala le ntseng le potoloha, re tšepa hore thuto e tla fihla litsebenzeng tse utloang, 'me qetellong Lesotho le iphelise le ho hlola mathata a tlhokahalo ea mesebetsi.

MOLIMO A BOLOKE LESOTHO LE BASOTHO

Matona a re boikhutso boo ba bileng ho bona bo tli'o ba thusa ho ntlafatsa phano ea litšebeliso tse saletseng morao ho fihlela sechaba sohle ka hare ho naha. Litaba tse na li hlalelletse kopanong ea matsatsi a mararo, moo a neng a itlhlhloba le ho rala tsela ea tšebetso, ka la 30 Mphalane monongoaha.

H'a koala kopano ena, Tona-Kholo Ntsokoane Matekane o hlalositse hore o ile a ikeletsa hore kamor'a lilemo tse tharo ba le pusong ba ke ba itlhlhlobe le ho bona hore na mekoloko-toane eo ba neng ba ipehetse eona ba e fihletse na.

paraka tseleng eo joalokaha ho ntse ho etsahala hajoale, kaha ba ikemiselitse ho tliša tharollo moo sechaba se hlohang litšebeliso.

A re sechaba se tla bona phetoho le lintlafatso tseo ba tlišo'o li etsa ka nako ena e setseng, 'me a re ba batla ho netefatsa hore bohle ba fumana litšebeliso tseo ba li hlohang.

Mohlomphehi Matekane o ile a ipiletsa ho Lekhotla la Matona ho sebetse ka thata e le ho phethahatsa merero eo ba laba-labelang ho e fihlela le liqeto tseo ba li fihletseng kopanong ea bona. A toboketsa hore bohle ba tseba boitlamo boo ba bo entseng, 'me o tla tsamaisana leeto lena le bona a ba tšehelitse ka hohle hore ba sebeletse sechaba

peli ho se be le letho leo ba tla le sia morao.

A supa hore 'muso o atleha ho sebetse hantle ha naha e na le botsitso, 'me ba bone nakong ena ea lilemo tse tharo ho se tšitiso e bang teng hore sechaba se fumane litšebeliso papisong le lilemong tse fetileng.

A re boikhutsong boo ba bileng le bona ba motlotlo ho tla sebeletsa sechaba sa Basotho ka tataisano eo ba bonahalang ba na le eona, bonngoe le mamellano.

A re Tona-Kholo e ile ea etsa boitlamo nakong eo e neng e nka lesokoana la puso, 'me ke seo ba ntseng ba sebetse ba ipapisitse le sona e leng ho fetola tsela ea tšebetso moo Basotho ba fumanang litšebeliso ho



O itse nalaneng ea Lesotho ho tloha ka selemo sa 2012 ho ile ha tloaeleha hore puso ea kopanelo e nke lilemo tse peli feela e busa, 'me kajeno ba fihletse taba-tabelo ea bona ea fetola seo.

A re ba kene pusong ho e-na le liqholotso tseo ba ileng ba ikeletsa ho sebet-sana le tsona ho khutlisa khotso e teng hajoale ekasita le ho fihlela meoloane eo ba neng ba ipehetse eona.

O bontšitse hore ke boikarabello ba 'muso ho bona hore ka nako ena e setseng khotso e'a bolokeha le hona ho sebeletsa ho phephethe-la litlolo tsa molao tse jeleng setsi kahar'a naha.

Ho feta moo, o itse nakong eo ba kenang pusong ba fumane ho e-na le merero e qaliloeng empa e-s'o qetoe, ka hona ka nako ena e setseng ba tlišo'o sebeletsa hore merero e joalo e phethelele. A tšepisa hore tsela ea 'Moteng e tla phungoa hore likoloi li se hlole li

se ba tšepetseng mosebetsi oo.

Letona La Bophelo, Mohlomphehi Selibe Mochoboroane o lebohile Tona-Kholo ka hore e be o ile a supa tsela eo ba lokelang ho tsamaea ka eona hore ka nako ena e setseng o lebeletse hore ho be ho fihletsoe'ng.

A re kopanong ena ba tsebile ho iketsetsa leano la tataiso leo ba tlišo'o le sebelisa hore tsohle tse setseng li fihleloe lilemong tse na tse

se khethollo ea letho.

H'a phethela o bontšitse hore kopano ena e thusitse ho khutlisa seriti sa bona le hona ho bopa bonngoe ho sa natsoe mekha kapa makhotla a lipolotiki ao ba hlahang ho ona e le Lekhotla la Matona.

A re Tona-Kholo o tšepisa Lekhotla la Matona ho tsamaisana le bona phanong ea lintlafatso ho sechaba sa Basotho ka hoo le ikemisetsa ho sebeletsa tšokolo ea nako e telele ea sechaba.



Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHEPHELENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

O khoba sechaba matšoafo

Nthabeleng Seithleko

Tlhokahalo ea libukana tsa ho eta e bonahetseng Lekaleng la Puso ea Libaka, Borena, tsa Lehae le Sepolesa e bakile tšitiso ho Basotho kaha e le koboanela naha ka bopahara.

Letona la Puso ea Libaka, Borena, tsa Lehae le Sepolesa Mohlomphehi Lebona Lephema o khobile sechaba matšoafo ka mathata ao; h'a hlalosa litaba tsa tlaselo ena ea marang-rang Mohale's Hoek bekeng e fetileng. O bole-tse tsena, ka la 3 Mphalane monongoaha.

O itse tšitiso e bile malibohong le phanong ea litokomane tsa mantlha tsa boitsebiso e bakiloe ke tlaselo ea marang-rang. A re phano ea litšebeliso tsa litokomane joaloka; tokomane ea boitsebiso, mangolo a tlaho le bukana ea ho eta e ile ea emisa ha nakoana.

A re sena se bakiloe ke tlaselo ea marang-rang eo ho ileng ha bonahala e ka e tla ama sesiu sa naha, 'me ke moo litsebi tsa marang-rang li ileng tsa potlakela ho emisa litšebeliso hang.

"Sena se entsoe e le ho lumella ho ipha nako ea ho hloekisa tlaselo eo, Basotho ba tla hopola hore selemong se fetileng 'muso o ile oa nka qeto e hlokolosi ea ho khaola maqhama a eona le khoebo eo e saleng e etsa mosebetsi oa ho hlokomela tsamaiso ea mechini ka selemo sa 2013." Ke Lephema eo.

O supile hore a mang a mabaka a entseng hore ho fihleloe qeto eo ke a latelang; khoebo eo e ne e behile tsamaiso tlokotsing nako e telele, ka ho se ele hloko joalokaha e ne e lokela. Ho feta moo ea hloleha ho etsa lintlafatso le ho reka thepa ea morao-rao ho ea ka konteraka ea 'muso le bona, 'me khoebo e ncha e atlehile ho sebetsana le ho matlafatsa tšireletseho ea thepa le keketseho ea thepa e neng e bonahala e fokola.

A re ba mpa ba sitiloe ho fihlela moo ba eang teng ka mabaka a fapakaneng, 'me seo ba seng ba se entseng ho fihlela ha joale ke ho lokisa boemo bona ka ho fumana thepa e tla sebelisoa ho rarolla bothata bona ho ea pele.

A bontša hore thepa e joalo e lebeletsoe ho fihla neng kapa neng, 'me lekala le entse qeto ea hore moo ho hlokahalang litšebeliso tse potlakileng tsa mango-

lo a lefu, Basotho ba fuoe mangolo Mafapheng a tsa Lehae e le ho tsoelapele ho etsa litlhopiso tsa ho boloka bafu.

A re ba ntse ba tsoelapele ho khutlisetsa tšebetso malibohong kaha mechini ea marang-rang ea moo eona e sa amane ka kotloloho le sesiu sa marang-rang. Ho sa le joalo, a re lekala le ikopela tšoarelo ka boemo bontseng bo tsoelapele, 'me sechaba se khobe matšoafo le ho ba le mamello kaha le ntse le sebetsa ka matla hore lintho li boele setloaeling.

A re kamor'a nako e sa feliseng pelo litšebeliso li tla boela li fumaneha, haholo nakong ena eo re eang re e lebile ea Keresemese eo tlhokahalo ea litšebeliso tsa lekala li nyolohang ho feta nako eohle.

A re lekala le itlama hore hang ha litšebeliso li khutletse setloaeling, bahlanka ba tla sebetsa lihora tse ekelitsoeng ho kenyeletsa le matsatasi a Moqebelo le Sontaha e le ho potlakisa litšebeliso tse saletseng morao.

'Mampho Masupha o supile hore tšitiso ena e ba khitlile habohloko kaha ba ile ba lokela ho emisa litlhopiso tsa mafu ka lebaka la ho se fumane litokomane tsa ho etsa likopo tsa mobu le ho fumana lichelete tsa ho boloka bafu.

H'a phethela o ipilelitse ho lekala ho potlakela ho khutlisetsa phano ea litokomane tšebetsong e le hore sechaba se 'ne se tsoelepele ho ea litšebeliso tse hlokanang litokomane kantle ho tšitiso ea letho.



Bolofa paramenteng

Nthabeleng Seithleko

Hlahlele Letšaba o hlalositse a tšoenyehile ke bolofa ba a mang a maparamente haholo a ka pusong, ka le reng taba eo e ama tšebetso ea paramente 'me e lokela ho luleloa fatše. O hlalositse tsena, tulong ea la 4 Pulungoana monongoaha.

Ke hona Lekhotleng la Sechaba ho ea ka lethathamo la tšebetso ea letsatsi, ho ne ho tekoa tlaleho ea Komiti ea Meoloane ea Nt-

lafatso ea Moruo, moo ho neng ho tekoa lintlha-kholo tsa mongoaha-kholo, empa le ha ho le joalo ho bonahe-tse litho tsa ntlo li lofile ka bongata.

Letšaba o ile a ema ho bontša hore tlaleho ena e tekoang e bohlokoa haholo, 'me e lokela ho mame-loa le ho sebetsoa ke ntlo ka hlompheho, hloko le boikemisetso ke bohanyetsi le ba ka pusong, kaha e le molemong oa sechaba sa Basotho ka moka.

A re empa ke mahlabi-sa-lihlong hore ebe litulo li omme, 'me a re ke ntho e mpe hore ebe lehlakore la

'muso ha ba eo ka sebopeho se joalo, empa ho buoa litaba tsa bohlokoa tseo li bileng li lokelang hore ebe 'muso o teng. A supa hore ka nako e 'ngoe Motsamaisi oa Lipuisano o tla iphumana a lutse a le mong ka paramenteng ka moo, ka hona a khothaletsa hore taba ena ea bahlomphehi ba lofang e ke e luleloe fatše e shejoe ka matla. A re ke pina ea nako e telele.

Motlatsi oa Motsamaisi oa Lipusiano, Mohlomphehi Tšepang Tšita Mosena o supile hore ntlha ena e bohlokoa, 'me e lokela ho shejoa ka leihlo le leng.



MOELETSI O TŠEHETSA BACHA

Tšeliso Thakholi

Mothahi oa khoebo e nyenyane e ntse e hola e cheseletsang litšepe le ho etsa mek'huk'hu ka mefuta ea eona, ebile e le setsebi litabeng tse

ekeng sa Maseru, 'me ka fetela ho se Phahameng sa St. James hona Maseru. Ha ke qeta ke ile ka ea Sekolong sa Mesebetsi ea Matsoho le Lithuto tsa Mahlale sa Fokothi, ho ea etsa lithuto tsa khoebo, ho kenya lipeipi tsa metsi le ho cheseletsa, tseo ke neng ke hlile ke e-na le thahasello e kholo ho tsona. Li ile tsa mpula mah-

chelete, e le ha ke se ke e-na le morero oa hore le 'na ke tle ke iqalle khoebo ea ka. Ka Fokothi ke ile ka ithuta ntho e kholo haholo ea hore motho o tšoanela hore ka litsebo tseo a nang le tsona a hle a qalelle ho itlhahisetsa mesebetsi e tlang ho mo phelisa h'a se a qetile sekolong, a se ke a emela hore a qete ebe ke hona a qalang. Moithuti ka bo

kaneng. **LIHLAHISOA** Re etsa lihlahisoa tsohle tsa tšepe le lesenke e bile re cheseletsa thepa eohle ea tšepe ha e robehile empa re ikhetholla haholo ka ho etsa mek'huk'hu. Re rekisetsa batho ka bo mong, baitšokuli le bahoebi. Re boetse re tliil'o bula sehlahisoa sa rona se secha sa ho etsa

eo ke ntseng ke lula le batsoali ba ka Ha Legele toropong e kholo ea Maseru hore bophelo bo teng litabeng tsena tsa lihlahisoa tsa lesenke le litšepe. Ke ithutile haholo mofuta oa khoebo ea tlhahiso ea lintho tse etsoang ka litšepe le hore na o sebetse joang kaha ke ne ke rata ho ba le khoebo joaloka batsoali ba ka. Batsoali ba ka ke re le kajeno ba ntse ba sebetsana le tšepe.

KELETSO HO BACHA

Bacha ba heso ke kopa le kene khoebong, tlholisano e le teng kapa e le sieo. Le be sebete le se ke la tšaba tlholisano hoba ke ka eona likhoebo tsa rona li tlang ho hola. Bacha le tšoanetse ho iketsetsa e seng le be sa le le batla ho etsetsoa kamehla. Qalang likhoebo le sa le likolong tse kholo, e le hore ha le qeta le be le se ntse le kene kahara likhoebo tsa lona le itšebeletsa. Lona ba seng ba fuoe mangolo a likolo tse kholo, elang hloko hore makala a 'muso kahar'a naha ke ona a hirang, 'me lipalo tse ngata li se li ntse li hiriloe. Ka hona ho se ho ntse ho se na mesebetsi ntle le hore ka litsebo tseo le seng le ntse le e-na le tsona le itlhahisetse eona.



sebetsanang le ho tataisa bacha ntlheng ea ho iqalla likhoebo tsa bona tse fapakaneng: Teboho Matsemela o manolla tsanalanane ea hae ea bophelo ba bae le boiphihlelo boo a seng a bo fihletse bakeng sa ho etsa matlo a mek'huk'hu a ka sebelisoang ho rekisetsa kapa e le matlo a bolulo le hore na e le mocha o qoba liqholotso tse tlang li motobile tšebetsong ea hae joang e le mohlhisi.

KHOLO EA HAE

Ke holetse kahare ho khoebo ho tloha bonyenyaneng ba ka kaha batsoali ba ka hae-sale ba iphelisa ka ho etsa li-buglar proof tsena tse kenngoang mamating le lifestereng ho thibetisa khahlanong le bosholu. Ke hotse ke cheseletsa litšepe ho tloha ha ke kena Sekolo sa Mathomo sa Motimposo LEC Seter-

lo haholo le ho ntataisa tseleng ea seo ke leng sona kajeno.

QHOLOTSO

Qholotso ea pele eo ke ileng ka kopana le eona bophelong ke hore chelete eo ke neng ke e fuoa ke batsoali ka khoeli ha ke ntse ke le ka Fokothi, ho leka ho nkhamletsa kaha ke qalile ke sa fuoe lihlapiso, e ne e sa anele lithoko tsa ka kaofela empa ke ile ka ikamohela tlasa maemo ao a neng a hlobaetsa kaha ke ne ke tseba ntho eo ke batlang ho e fihlela. Taba eo e ile ea nthusa haholo hore ke tiise le ho tseba ho iketsetsa chelete ka ho itšoarela ka matsoho, e seng ke hiroa.

CHELETE EA LIHLAPISO

Ha chelete ea lihlapiso e fihla ke ile ka qala ho hirisetsa baithuti ba bang

eena a se tšepe ho hiroa haholo.

QALEHO

Ha ke le selemong sa bobeli ke ile ka emisa ho hirisa chelete kaha ke ne ke bona batho ba lieha ho lefa. Ka reka litšepe tse cheseletsang. Ka qala ho thusa batho ka ho cheseletsa likoloi tsa bona le ho etsa lifenstere tsa matlo, ka li rekisa ka etsa chelete e kaalo ka M15,000.00. Ka chelete eo ka qala ho ba le mokhoa oa ho ithehela khoebo e etsang mek'huk'hu, lichomela tsa matlo le mefuta e fapakaneng ea lifenstere, teropong ea T.Y. Seterekeng sa Berea, e leng hona moo ke seng ke phela teng. Ha ke qeta ka Fokothi ea ba ke se ke ntse ke tsoela-pele ka khoebo ea ka. Ha joale re ikopantse re le bacha ba bahlano ba nang le litsebo tse fapa-

likiribae tsa pele tsa mofuta oa tsona.

BOITHUTO

Ke ile ka ithuta nakong

Mazenod PRINTING WORKS (Pty) Ltd

57396597
28 350 815

28 350 466
lesaoanat@gmail.com

Malebela

Scan me

U se u ka fumana buka ea Malebela ho marang-rang a boletsoeng ka tlase kapa oa sebelisa code e kaholimo.

Get the Akello app on Play Store, App Store, or Huawei App Gallery for Mazenod books and more. Download now!

<https://library.akello.co/downloads>

Lekala le sireletsa boqapi le mahlale

Nthabeleng Seithleko

Lekala la Toka le Molao le bile le kopano le mafapha a amehang ho tšetšetha ntlafatso ea molao oa litokelo tsa bohlaale le boqapi, Maseru ka la 3 Pulungoana monongoaha.

Mafapha ana a buisane ka mehato e mecha ea ntlafatso ea molao oa naha o sireletsang boqapi ba Basotho. Mongolisi oa Lekala la Toka le Molao, 'Mamoretlo Mohapi o ile a totobatsa bohlokoa ba ho tšoaena boqapi ka molao le ho lefa boiqapelo ka tlhomphe e lokelang.

A re sena se ka phahamisana moruo oa naha haholo ha se sebelisoa ka nepo. A supa hore naheng tse holileng tsa lefatše, molao o sireletsang boqapi o bapala karolo e kholo ho ntšetsapele marang-rang, bonono, mahlale le tšebeliso ea mahlale ka hona Lesotho le hloka ho hatella ka matla le ho sekamela kholisong ea sechaba se tsebang boqapi.

A re melemo ea molao oa tokelo ea boqapi e totobala haholo ha re le likamanong tsa machaba, 'me ha litokelo tsa boqapi li hlonempshoa, li bula menyetla e meholo ea khoebo lipakeng tsa linaha, li hohela matsete hape li sireletsa ba nang le likelello tse iqapelang hore ba se ke ba utsoetsoa mosebetsi oa bona.

A re sena ke motheo oa moruo o thehiloeng tsebang



oo re batlang ho o fihlela. O re Lesotho le hloka ho ntlafatsa le ho nchafatsa molao oa eona oa boqapi e le hore o lumellane le mehla ena, haholo ha lefatše le se le tsamaisoa ke marang-rang.

A bontša bohlokoa ba hore sechaba se rutoe ka litokelo tsena hobane batho ba bangata ba ntse ba sa utloisise ka botlalo hore na li sebetsa joang le hore na li fana ka molemo ofe baqaping.

A phethela ka ho tšepisa hore 'muso o tla tsoelapele ho buisana le mekhatlo eohle e amehang ho etsa bonnete ba hore liphetoho tsohle li etsoa ka mokhoa o hlophisehileng le o lumellanang le litlhoko tsa boqapi.

A khotaletsa sechaba hore bacha ba lefatše la bonono,

ba ngolang libuka, ba binang le bohle bao e leng liqapi ho se nyenyefatse mosebetsi oa bona empa ba o ngolise 'me ba o sireletse.

A re ho sireletsa boqapi ke ho sireletsa bokamoso ba moruo oa naha ea rona. O re ba batla Lesotho le tsebahale e seng feela ka nalane le setso, empa ka hore ke naha e tšehetsang boqapi le ntšetsopele ea mahlale.

Ka mokhoa o tšoanang, lebitsong la Lekala la Toka le Molao, Adv. Makhele Sekati o hlalositse bohlokoa ba ho kenya boqapi marang-rang le ho sebetsa ka kano e utloahalang le mekhoe ea marang-rang.

A re lefatše le se le potlakile haholo ka lebaka la marang-rang; 'me boholo ba mosebetsi ea boqapi e ka ba

bongoli, 'mino, lifoto, lipina kapa mahlale bo fumaneha ka marang-rang.

"Ha re sa be le melao e hlakileng e sireletsang tšebetso ea mahlale le marang-rang re ka lahleheloa ke maemo a rona a khoebo, ra lula re utsoetsoa litokelo tsa bona ha bonolo." A rialo.

A supa hore lekala le ntse le sebetsa ho netefatsa hore litokelo tsa boqapi li ka ngolisoa ka mokhoa o potlakileng le o bonolo, ho kenyeletsoa le tsamaiso ea marang-rang e tla lumella batho ho etsa tšebetso ea bona ntle le ho ba le mathata a ho ea liofising tsa 'muso khafetsa.

"Sena se tla thusa ho khotaletsa bacha le baetsi ba lintho tse ncha hore ba bone melemo ea boqapi ka ho teba."

O tsoetsepele hore ho kenya boqapi marang-rang ho tla thusa ho phahamisa mesebetsi ea Basotho le ho etsa hore e hlhelle haufi le litabeng tsa machaba.

A re Basotho ba na le tsebo le boiphihlelo bo boholo empa hangata mosebetsi oa bona o sa tsebahale kapa o ke ke oa bonahala hobane ha o ngolisoa kapa ho se be le molao o ba sireletsang.

A re mekhatlong ea machaba e thusang Lesotho ho iphumanela tsebo le bokhoni; lekalala le ile la tsoelapele ho fumana koetliso le tlhokomelo ea litsebi ka thuso ea World Intellectual Property Organization (WIPO), mekhatlo oa lefatše o ikarabellang ka ho sireletsa litokelo tsa bohlaale le ho tšehetsa linaha tse ntseng li thuthuha.

Ba khotaletsa ho iketsetsa

Nthabeleng Seithleko

Lekala la Liphatlalatso, Likhokahanayo, Mahlale, Tšebeliso ea Mahlale le Boqapi ka kopanelo le UNDP, li thaketse bacha ba litereke ka ho fapakana thuto ka boqapi le mekhoe ea ho iketsetsa ka sepheo sa ho fenyha tlhokahalo ea mesebetsi. Tsena li hlhella Seterekeng sa Mokhotlong ka 31 Mphalane monongoaha.

Motlatsi oa Mofuputsi Le-fapheng la tsa Mahlale le Tšebeliso ea Mahlale Maretele Takalimane o hlalositse ho le bohlokoa hore bacha ka litereke ho fapakana ba fumane thuto ka boqapi le tšebeliso ea mahlale ho

matlafatsa boqapi ba bona.

A re ke morero oa 'Muso oa Lesotho ho kena kahare ho morero oa ho tsamaea le litereke ka ho fapakana, ho bua le bacha ka litaba tsa boqapi hobane ho fihlile tlhokomelong ea bona hore Basotho ba na le talenta haholo ea boqapi ho sa natsoe sebaka seo motho a phelang ho sona.

H'a tsoelapele o hlalositse hore bacha ba na le matla a ho ntšetsa moruo oa naha pele 'moho le ho koala sekheo sa tlhokahalo ea mesebetsi kaha ba tla be ba itlhalisetsa ka boqapi ba bona.

A re ba menyetleng ea ho una melemo e mengata kaha ba fumana tšebetso e matlafatseng ho 'muso le UNDP tlas'a sethala sa UniPod Hub e fumanehang

Sekolong sa Thuto e Phahameng sa Lerotholi Polytechnic, moo teng ba nang le monyetla oa ho matlafatsa boqapi ba bona hore lihlahisoa tseo ba li etsang li be le bophelo.

A hlalosa hore bacha ba nke khato ho ingolisa ho lenaneo la Sebatatso le tšehelitsoeng ke Lekala la Tekano, Bacha le Ntšetsopele ea Sechaba, moo ho ingolisang bacha ba seng ba le kahare ho likhoebo kapa ba nang le mehopolo ea ho qala likhoebo.

Ho feta mona, a re lenaneo le leng le teng la bacha la STEAM le boikarabellong ba lekala la habo, moo teng mocha kapa motho e moholo a leng monyetleng oa ho nka karolo.

Takalimane o bontšitse hore Mekhatlo oa Litichere

o tsebahalang ka LSMTA o nkile karolo ho otlala bacha ba sa le lilemong tse tlaase ho tloha boemong ba Likolo tsa Mathomo.

Lebitsong la Lekala la Tekano, Bacha le Ntšetsopele ea Sechaba Mokhotlong, Thabo Rajane o hlalositse a le motlotlo ke tšebelisanong 'moho ea makala ka ho fapakana le batšehetsi ba bang, ho kenyeletsa UNDP le Ofisi ea Mongoli-Kakaretso ho thusa bacha ho matlafala mererong ea bona.

O hlalositse hore 'muso o phamoletse taba ea tlhokahalo ea mesebetsi holimo hoo o etsang matsapa 'ohle a ho bona hore e ba pale ea maobane.

A ipiletsa ho bacha ba Mokhotlong ho ithokhobetsa haholo ho nka karolo litabeng tsa boqapi le lik-

hoebo le hoja ho nkile nako hore ba tsebe haholo ka lenaneo la STEAM leo ho utloahetseng hore lipalo li ne li fokola haholo tsa bacha ba neng ba nkile karolo monongoaha. A re o ts'epa hore ho tla ba le phetoho kaha ba se ba e-na le leseli mabapi le litaba tsa boqapi.

E mong ea neng a nkile karolo Ntsane Mok'he-na o hlalositse a thabetse monyetla le tšebetso eo ba e fumaneng ho tsoa 'musong ka makala a fapakaneng 'moho le batšehetsi ba bona litabeng tsena tsa ho fenyha tlhokahalo ea mesebetsi ka mokhoa oa ho itšoarela ka matsoho.

A re ba malala-a-laotsoe ho ithokhobetsa ka matla kahare ho mananeo ana kaha ba se ba ntse ba qalile ho iketsetsa e ntse e le mokhoa oa ho fenyha tlhokahalo ea mesebetsi.

Tlhekefetso e nkile mojao-Motsoasele

Nthabeleng Seithleko

Basali ba Matlo a Mabeli a Paramente ba re ba tšoenyehile ke litlhekefetso le lipolao tse etsetsoang basali le bana, 'me ba hloketse hore ba lokela ho tšoara ka matla hobane taba ena ke qholotso e tjametseng naha ka bophara. Litaba tsena li boletsoe ke Molula-Setulo oa boikopanyo ba basali ba matlo a paramente 'Makatleho Motsoasele, ka la 3 Pulungoana monongoaha.

O re ba bone ho le bohlokoa hore ba thakelane ka malebela le mafapha a fapaneng litabeng tsena. O re ha baetsi ba liketso tsena ba ka fuoa likotlo tse boima ho tla tliša letsoalo le matšelisano ho mahlatsipa.

O re kamor'a kopano ea bona khoeling ea Hlakola monongoaha lipalo literekeng tse neng li ipabotse ka litaba tsena li ile tsa theoha, empa hona joale li boetse li phahame hape, ka lebaka leo ba itela ho mapolesa ho tiisa letsoho litabeng tsena.

Se seng sa Litho tsa Ntlo ea Senate, Mawinie Kanetisi o hlalositse ba tšoenyehile haholo e le paramente, hobane litaba tsena li ama bophelo ba sechaba eleng se sitisang kholo le tsoelopele. A re litaba tse ling li bonahala litabeng tsa litloaelo le meetlo e le ho



thusa hore tsoelopele ebe teng.

O re Basotho ba lokela ho tseba hore tokelo ea bophelo ke ea motho e mong le e mong ka hona bohle ba lokela ho phela ka khotso ba lokolohile. A re lipolao le litlhekefetso li ba tšoentse haholo ka hoo ba lokela ho nka khato ea ho sireletsa sechaba.

Ka lehlakoreng le leng, Mookameli oa Vodacom Lesotho, Mohale Ralebitso o hlalositse hore basali ba maparamente ba lokela ho leba likhethong ka taba e le 'ngoe ea hore ho loantšoe tlhekefetso, melao e sebet-

soe.

A re liketsahalo tse ling li lokela ho sebetsoa ka matla ke basali hobane ke batho ba matla, 'me ba hloka ho ntlafatsoe melao e tla thusa hore naha e sebetse litaba tsa teka-tekano e le hore ba bone ntlafalo. A re banna ba hlekefetsa basali eleng taba e seng hantle le ho amoha naha seriti.

A kopela banna ba sa etseng bobele tšoarelo hobane b'a bona hore ba boloka bophelo ba basali le bana, eleng bona tšepo ea sechaba

"Bo-ntate ba utloileng bohloko, ba lokela ho fola

le ho thusa hore litaba tsa tlhekefetso li fele, eseng ba amohe basali bophelo." Ke

hommeng pele ke Qacha's Nek kaha litlaleho tsa teng li ile tsa tlalehoa, 'me le liter-



Ralebitso eo.

Ho sa le joalo, Inspector 'Mamochato 'Molaoa ho hlaha sepoleseng sa Lesotho ka la Polokeho le Tšireletso ea Bana, o hlalositse hore boemo ba tlhekefetso ka motabo bo phahame le lintoa ka malapeng. O itse lipalo tsa ngoahola tsa tlhekefetso ka motabo ke 713 litereke tsohle ha 154 ke tlhekefetso ea malapeng, 'me ho tloha ka khoeli ea Pherexhong selemong se holimo ho fihlela ka Phato lipalo tsa tlhekefetso ka motabo e le 365 naha ka bophara.

A re le hoja selemo se e-s'o fele setereke se itl-

ekeng tse ling hape ntho e teng ke chobeliso. A re lipalo tse holimo tsa tlhekefetso ke tse amang bana.

"Basotho ba lokela ho ema ka maoto ho loantša kholumo-lumo ena, hobane e ama bophelo ba sechaba." Ke 'Molaoa eo.

O hlalositse ha pelaello ea bona e susumetsang litaba tsena e le bofuma le ba batho ba holisang bana ebe ba iphetetsa ka bona, e bang batsoali ba sa ba lefe.

"Sekoele Basotho batho ba hlomphe; e mong le e mong a hlomphehe kaha ngoana e le ngoana." A rialo.



700 millione e tjametsoe ke tlala



مؤتمر القمة العالمي الثاني للتنمية الاجتماعية SECOND WORLD SUMMIT FOR SOCIAL DEVELOPMENT

4-6 November 2025 6-4 نوفمبر
Doha - قطر الدوحة



Nthabeleng Seithleko

Litumellano tsa machaba haholo tse amang ntšetsopele ea sechaba ke pheko ea mathata a mangata ao lefatše le tobaneng le 'ona. Lita-ba tsena li hlaleletse polelong ea Naha ea Lesotho 'mokeng oa bobeli oa lefatše malebana le ntšetsopele ea sechaba Doha, Qatar ka La 4 Pulungoana monongoaha.

Polelong ea hae Motlotlehi Letsie III o itse Naha ea Lesotho e ntse e tsitsitse tabeng ea ho tšehetsa boitlamo ba liqeto tsa 'moka oa Copenhagen, Denmark ka selemo sa 1995 le ho nchafatsa boitlamo boo ka ho phethahatsa liqeto tsa 'ona, ho bopa bocha meralo e ipapisitseng le tsona molemong oa ntšetsopele ea sechaba sa Basotho.

O itse Naha ea Lesotho e thoholetsa Mokhatlo oa Machaba a Kopaneng (UN) ka ho boela o fana ka sethala sa ho seka-seka litaba tsa ntšetsopele ea sechaba. A re sethaleng sena monongoaha Lesotho le nchafatsa boitlamo bona ka ho ananela liqeto tsa 'moka ona oa

Doha kaha o hapelletse 'ona maano a Copenhagen a maoba le hore ho hetloe morao kamor'a lilemo tse 30.

A re 'moka ona o'a babatseha kaha o fana ka sethala sa ho lekola khatelepele, likatleho, liqholotso le ho aha bocha leano le tla thusetsa lilemong tse ling tse tlang.

A bonts'a hore meoloane eno ea maoba e ntse e chorisala le ho tataisa moralo oa naha oa tšebetso; 'me ka moralo ona o atololetsoeng, Naha ea Lesotho e ntlafalitse tšehetso ntlafatsong ea sechaba, phokotso ea bofuma le ho kenyeletsa bohle meralong ea boikholo bofumeng le ntlafatsong ea sechaba ka botataisi ba lona leano lena la Copenhagen.

H'a tsoelapele o itse leano lena le susumelitse naha ho theha mesebetsi e akofisang tlhahiso le ho kenyeletsa bohle meralong e ntlafatsang sechaba ka menyabuketso e bonahalang litabeng tsa tšireletso ea sechaba ka mekhahlelo eohle ho tloha ka bana, basali, maqheku esita le batho ba nang le bokooa.

Rabasotho o hlalositse

hore leano la naha la thuto e sa lefelloeng Likolong tsa Mathomo le akarelletsa bohle le ho kenya letsoho ho malapa a mangata ho otlala bana hape phano e akaretsang ea tšehetso ea lichelete ho maqheku e akofisitse tšehetso tlhokomelong ea maqheku. A re le tšehetso ea lichelete e akaretsang ho batho bohle ba nang le bokooa ke e meng ea meoloane ea tšehetso e sa thekeseleng ea ho kenyeletsa bohle ntšetsopeleng ea sechaba.

A bonts'a hore Lesotho le tšehetsa ka matla phano ea mesebetsi e nang le seriti ho bohle kaha e le metheo ea kabo ea toka ho se khethollo le ntlafatso ea moshoelella.

A re Afrika e ntse e le ketapele ea ho ba le lipalo tse holimo (70%) tsa bacha ba ka tlaase ho lilemo tse 30 ba hlokanang mesebetsi. A re taba e 'ngoe ke nanabetso ho bacha ka kopanelo le likhoebo tse ikemetseng tabeng ea ho tsetela likhoebo tsa bacha ka letlole la kalimo ea lichelete ho bacha ba qalang khoebo esita le ho nolofatsa ngoliso ea likhoebo.

O ile a tiisetisa 'moka ona hore Lesotho le tšehetsa

bosebetsi kaha le lumela hore ke ka bosebetsi moruo o holang, boiketlo bo bonoang sechabeng le ntšetsopele ea sona e ka bonahala.

A re 'Muso oa Lesotho ka kopanelo le Mokhatlo oa Machaba oa Bosebetsi le Mekhatlo e meng ea bosebetsi ea lehae le machaba ba ahile leano la phapanyetsano ea basebetsi le linaha ka tsela e molaong, ebile e na le seriti le tšireletso ho basebetsi.

A kopa hore Mokhatlo oa Machaba a Kopaneng o susumetse tharollo ea liqholotso tse tjametseng lefatše kajeno. A bontša hore Lesotho le ananela liqeto tsa 'moka hore linaha tse thuthuhang moruong li bile li lika-likiloe ke tse ling, ho be le botseteli molemong oa ntšetsopele.

A re ha ho ka akofisoa le ho kenngoa tšebetsong liqeto tsa 'moka ona le e fetileng, phethahatso eo e ka tlisa pheko liqholotsong tsena tse tobileng lefatše. A re ho bohlokoa hore baetapele ba ikhopotse hore ha mesebetsi e le e phelisang, ntlafatso e ba ea moshoelella le batho b'a ntlafala.



A phethela ka ho hopotsa 'moka ka litaba tsa phepo

e nepahetseng hore ha se feela tokelo ea mantlha ea botho empa e bile ke tokelo e abeloang sechaba le ntšetsopele ea sona.

A re ha sechaba se fepehile e bile se ntlafetse, tlhahiso ea lihlahisoa tsa sona e'a phahama, ba sebetsa le ho ithuta ba phutholohile le ho phephethela maikutlo a bofuma le tšotleho eo ba bangata ba lumelang e le eona bophelo.

Ho sa le joalo, ke tšebelatsong ea pulo ea 'moka moo Mongoli oa Mokhatlo oa Machaba a Kopaneng Monghali Antonio Guterres a itseng boitlamo ba Doha ba lipolotiki litabeng tsa ntšetsopele ea sechaba ke khato e nepahetseng ho arabela le ho akofisa litaba tsa ntšetsopele. A re esale ho kenngoa tšebetsong liqeto tsa Copenhagen, ke bonyane batho ba kaholimo ho millione lefatšeng ba atlehileng ho hlola tlala le bofuma.

Leha ho le joalo, a re ba ka holimo ho 700 millione ba ntse ba tjametsoe ke tlala ka hona a ipiletsa ho baetapele, mekhatlo ea machaba le likhoebo tse ikemetseng ho akofisa khokahano ho fumanela qholotso ena tharollo ea moshoelella.



TLATSA 'PUZZLE' KA MANTSOE ANA HO
LATELA LILETERE TSA ONA. (FILLIN PUZZLE)

4 letter word

Pere

5 letter words

Berea

Joala

Linku

6 letter words

Mohoma

Pitiki

7 letter words

Likhopo

Maroala

Matlama

8 letter word

MALEBELA

9 letter words

Puseletso

Senkhoana

14 letter word

Bokang Mothoana

15 letter word

Sekhoane Moerane

16 letter word

Motsoahae Thabane

17 letter word

MOELETSI OA BASOTHO





TSA KEREKE

Lefu ha se pheletso-Rabalumeli

Tseliso Thakholi

Mopapa Leo XIV o re bakriste ba se nahane lefu e le letšoao la lintho tsa nako e fetileng feela, empa ka ho fetisisa ke tšepo e kholo bakeng sa bophelo bakamoso. O buile tsena nakong ea khotatso ea hae litšebelatsong tsa Sehlabelo se Halalelang sa 'Missa sa ho rapella meea e faletseng tse bileng Setšeng sa Bafu sa Verano, Rome

thong ba bang haholo-holo ba mafutsana le ba tlokotsing, bao e leng bona ba hlokanang thuso ea rona ka mokhoa o khethetsehileng, re tla fihlela katleho ea bophelo bosafeleng kamor'a lefu." A rialo. A re katleho ea ho fihlela bophelo bosafeleng ke ho qala hona joale re sa le lefatšeng ka ho etsa liketso tsa lerato. A re ha re e-na le lerato re ka tseba ho hlo-la lefu, 'me ka lona Morena Molimo o tla re kopanya le baratuoa ba rona ba seng

monate ho Morena Molimo, e bileng e re phahamiset-sang ho eena. A re thapelo ena ha e re kopanyane feela le Morena Molimo, ebile e re kopanya le ho re atametsa ho ba seng ba faletse lefatšeng lena, kaha re ntse re emetse ho kopana le bona thabong ea bosafeleng. H'a fera khotatso ea hae, Rabalumeli o ipiletse ho bohle ba lahlehetsoeng ke baratuoa ba bona ka mokhoa oa lefu ho ikopanya le Kriste kamehla, eena ea ileng a re pho-



ka la 2 Pulungoana 2025. Rabalumeli o boletse hore bakriste ha ba lokele ho lahla tšepo le ho nyahama ha ba sheba lefu, empa ke tšepo e tiileng ea ba ithobaletseng ba tlang ho tsoha le Kriste mohlatsi tsoho ea bafu. A bontša hore lefu ke motheo oa 'nete o tiileng oa Morena oa rona Jesu Kriste. A re joalokaha tumelo ea rona re le bakriste e thehiloe holim'a sephiri se sehlo sa Kriste sa Paseka, e thusa ho re tlatsa ka matla le ho re matlafatsa ka tšepo hore e fela lefu ke qaleho ea bophelo bo bocha moo re tlang ho phela le Kriste ka bosafeleng. A re bakriste ba lokela ho itokisetša bophelo bosafeleng ka ho etsa liketso tsa lerato le mohau ho mafutsana le bahloki letsatsi ka leng. "Ha re lula re e-na le lerato 'me re le bontša ba-

ba faletse lefatšeng lena. A boela a supa hore ha feela re tsamaea 'moho re le bakriste re tletse moea oa lerato, bophelo ba rona bo fetoha thapelo e monko o

losa ka lefu le tsoho ea hae. "Kriste ke mohloli oa 'nete oa khotso le tšepo ho bohle ba litlokotsing tsa mefuta." Ke Rabalumeli eo.

ACI AFRIKA

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntsang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mma-bana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litsomo tse monate;

Bo-limo le Tselane ka ba ka utloa ha ba ba etsetsa lillotho tse monate; bo-mmenthele o hlotse baruti.

Leseli! Khanya!

2024-2025 SELEMO C

KHALALETSO EA KEREKE EA LATERANE



Ezekiele 43:1-2.4-7
Pesalema 121
1 Ba-Korinthe 3:9-13.16-17
Joannes 2:13-22

Khotatso



Majoe a phelang

Kajeno Kereke e Katholike e keteka Mokete oa Khalaletso ea Kereke ea Laterane Basilica e Rome e le Motse-Moholo oa eona. Kereke ena e hlohonolofalitsoeng ka selemo sa 324 AD e hlonepha Kriste Mopholosi 'moho le bahalaleli ba babeli e leng Joannes Mohlatsoi le Joannes Moevangelista. Ho eona ho ngotsoe mantsoe ana: "M'e le Hlooho ea Likereke tsohle tse Rome le Lefatšeng."

Sebaka sa moo Kereke ena e leng ho sona e ne e le sa lelapa eaba hamorao se fuoa Kereke ke 'Musisi Constantine, 'me Mopapa Sylvester ka selemo sa 324 a e beha tšireletsong ea Kriste Mopholosi. Kamorao ha latela bahalaleli Joannes Mohlatsoi le Moevangelista; e fetohile sebaka seo Mopapa a lulang ho sona eaba e pholoha mollo ka selemo sa 1307 le 1361.

Lipalo tsa kajeno li bontša pono e le 'ngoe; sanctuari, motheo, botšabeli le Morena ea hloekisang ntlo ea hae. Lingoloe tsena li memela Mokriste ho bona moaho o bonahalang ka leihlo la nama 'moho le sechaba se phelang ho ona e le tse halalelang. Mangolo a Halalelang a beha kapel'a rona majoe le lialetare tseo Morena Molimo a etsang batho li-sanctuari tse phelang ka ona: se bonahalang se tsoantša se sa bonahalang.

Liparishe le malapa lefatšeng a ka keteka ka ho etsa lintho tse amanang le Setulo sa Peterosi; meetlo e menyenyanane, ho ruta ka mokhoa o hlakileng le tsohle tse etsang hore letsatsi lena le hopoloe ka mengoaha le mengoaha. Rapellang Mopapa le Tikoloho ea Rome, ka ho khetholoha mosebetsi oa ho phatlalatsa evangeli lefatšeng. Balumeli ba ka etsa likopo tse khethetsehileng nakong ea Sehlabelo se Halalelang sa 'Missa, ba boela ba nchafatsa lipallo tsa bona tsa tlhatsuo; ebe ba inahana ka ho ba "majoe a phelang." Malapeng batsoali ba khotaleitse bana ho rapela Thapelo ea Tumelo ea Baapostola. Ho ka khethoa batho parishing ba ka rutang bohle ho hlalohanya basilica, basilica e kholo le cathedral.

Kereke e le 'ngoe e kopanya nalane ea mengoaha le ho beha kapele ho lona mekhoe ea ho rapela le besebeletsi. Mantsoe ana a paka hore Khalaletso ea Kereke ea Laterane e memela bohle kopanong e tiileng kapa bonngoeng ba Kereke e Rome. Mangolo a Halalelang, lipalo 'moho le nalane li kopana ho Joannes ea Halalelang ho senola Kriste Mopholosi e le sanctuari ea 'nete le mohloli o ahang Kereke e phelang.

Hopola mpho ea Constantine le sebaka sa laterane tse ileng tsa thusa ho bopa nako le sebaka tseo re ketekang re ipapisitse le tsona kajeno. Basilica e kholo e ema le tse 'ne tse kholo, ebe e kopana le ea Peterosi, Paulosi maboteng a kantle le basilica tse ling e le letšoao la kopano le bonngoe lefatšeng.

Bakriste bohle ba khotaleitsoa ho rapella Morena Papa, ho nchafatsa bophelo ba bona ba ipapisitse le lisakramente le ho ithuta haholoanyane ka Kereke ea Laterane ea Joannes; ka sepheo le morero oa ho phela mokete ona ka besebeletsi le teboho.

Kajeno re bona kopano ea Kereke eo Ntlo-Kholo ea eona e leng Rome; Kereke ena ea Laterane ke letšoao kapa ona motheo moo Kereke lefatšeng e okhang matla teng. Joalokaha e le 'm'a likereke tsohle e thusa likereke ka ho li matlafatsa kapa hona ho li nchafatsa. Tsena li ikhopotsa hantle metheo le melao eo li tsoanelang ho e latela ntle le phoso ea letho.

Moketeng ona ha re hetleng morao ho sheba metheo ea rona, ho hlaloba hore na re ntse re tsoere tsela. Ho kopa likeletso le tataiso ho 'm'a rona eo re nang le bonnete ba hore o tla etsa joalo ka lerato le bonolo bohle. Joale re boele re hopole ho sebeletsa bonngoe lipakeng tsa rona; liketso li pakahatse hore re fela re le majoe a phelang.

Bahalaleli har'a Beke

10	Pulungoana	Nonnus
11	Pulungoana	Veranus
12	Pulungoana	Machar
13	Pulungoana	Abbo
14	Pulungoana	Modanic
15	Pulungoana	Malo

Ba qala ka moea o holimo

Tšeliso Thakholi

Mokhatlo oa Lesotho oa Papali ea Litebele (LBA) o bonahala o khotsofetse haholo ke tsela eo ba qalileng leeto le letle la lithholisano tsa papali ea litebele kamor'a ho tsoara tlholisano ea botšelela ka tatellano selemong sena, ea tse atlehileng haholo ea National Boxing Tournament, e neng e bile e kenyeletsa bakoetlisi, baahloli le liloani tse tsoa Naheng ea Afrika Boroa ho tla natefisa lithholisano le ho hlalella bakoetlisi le baahloli ba koano hae ka malebela.

Tlholisano ena e neng e le mokhahlelo oa ba baholo ka ho banna le basali, e bile e kenyeletse le moifo o fokolang oa libapali tse tlii'o tsamaea ho ea lithholisanong tse l'lo tsoareloa Naheng ea Angola ka khoele ea Tšitoe monongoaha, e ne e tsoaretsoe Motebong oa Sesole, Makoanyane ka Moqebelo oa la 1 Pulungoana 2025.

Puisanong le Koranta Raliphatlatso oa Mokhatlo oa LBA, Monghali Letšasa Taole o boletse hore 'moko-tabla oa lithholisano tsena ke boitokiso ba libapali sebakeng sa lithholisano tse kholo tsa National Championship tse tlii'o tsoaroa mathoasong a Pherekhong isao.

A supa ha ba ile ba ithuta hore ho bohlokoa ho tsoara lithholisano tsa mofuta ona kaha ba hlokometse hore boholo ba libapali tsa bona li nka nako e telele haholo ho se letho leo li le etsang, ebe nakong eo ho lokisetsoang ho bopa mokhethoa oa naha, ebe ke hona ba batlang hore li be sehlopheng sa naha, empa li ne li phomotse nako e telele. "Re hlokometse hore taba eo e re hlalisa kotsi e kholo. Ke ka hona re seng se lula re tsoara lithholisano khafetsa ebile re se re ntse re behile leihlo libapali tse ipabolang ka makhabane a ho bapala hantle." A rialo.

A re ba boetse ba na le sehlopha se hloahloa se bopiloeng ka bakoetlisi seo mosebetsi oa sona e leng ho lula se shebile maemo a sebakali ka seng hore na se

bapala joang. Ka hona hae ba ho bonahala sebakali se itseng maemo a sona a theohile b'a se ntša ba kenya se seng boemong ba mokhethoa oa naha.

A tiisa hore morero o moholo ka lithholisano tsena tseo e saleng ba li tsoara selemong sena ke ho she-

linako tsohle."

Ho ea ka Taole ena e bile tlholisano e ntle haholo eo a bileng a thoholetsa libapali tsa hae ka tšebetso ea bona e tsoileng matsoho kaha kahar'a libapali tse robeli tsa bona ba atlehileng ho ikhapela lintoa tsa bona ke ba bane, ha ba bane

li tla be li se li tloetse ho loana lintoa tsa boemo bo holimo.

A phethela ka hore pele ba qala lithholisano tsena bakoetlisi le baahloli ba Lesotho ba ile ba boela ba hlalelloa ka malebela ke ba Afrika Boroa ka maqiti le litsebo tsa ho tsamaisa pa-



ba boiphihlelo ba libapali tse ipabolang, "'me ho ba sa ipabolang e hliile ha re ba nke. Re boetse re thusa liloani hore li lule li le mae-mong a nepahetseng ka

bona ntoa e ile ea ba hlola. A re sena se tlii'o thusa libapali tsa bona hore ha li fihla lipapaling tsa boemo ba machaba tsa be li tseba ho e hlanaka habobebe kaha

pali ena. A re boitokiso ba bona bo ntse bo tsoelapele kaha e le hona ba tlang ho leba lipapaling tse ling hape tsa setsoalle Bloemfontein, Afrika Boroa ho ichorisa.

E ba le 'na ke 'mamoratoa

Tšeliso Thakholi

Pina e mathemallo e bitsoang 'E ba le 'na naleli' e binoang ke khalala e tsebahalang haholo ea 'mino oa Afro Pop, e leng Thembekile 'Thembi' Mapefane e hliile e tsokotsa barati le batšehetsi ba bangata ba 'mino oa Afro Pop, ha e lla libakeng tse fapakaneng

kahare ho naha, hoo pelaele e leng hore e ka 'na ea ba eona e tlang ho koala selemo ka khoele ea Tšitoe monongoaha lehlakoreng la 'mino oa Afro Pop.

Leha khalala ena e kile ea nka khedu kamor'a ho hatisa letlapa le bitsoang 'Pitso', e le hona a sa ntsane a boetse a ipapatsa ka morero oa ho boela a tsebahatsa 'mino oa hae o monate, barati ba 'mino oa hae ba thabela har'a lipina tsa hae 'E ba le 'na naleli' le 'U nkahlile

setšoana.'

Ho ea ka Thembi lipina tsena tse peli li na le molaetsa o fapakaneng oo a ratang ho o fetisetsa ho sechaba. Ke ka lebaka lena har'a lipina tsa hae tse monate e leng tsona bo-'mamoratoa, selikalikoeng sa 'mino oa Afro Pop. O re ka pina ea 'U nkahlile setšoana,' joaloka ngoan'a Mosotho ho latela kholo le litloaelo tsa Basotho mohlankana h'a khahluoe ke kharebe, o etsa sohle se matleng a hae hore kharebe eo e be ea hae ka bosafeleng.

O re haele 'E ba le 'na naleli' e roka le ho thothokisa leeto le boima le nang le liqholotso tse fapakaneng, leo a seng a le tsamaile la bophelo ho tloha h'a qeta ho fihla lefatšeng ho fihlela kajeno. "Ha se leeto le monate hoba le na le maqhubu le lifefo, 'me ka eona pina ena ke boetse ke qela khanya ho Morena hore a 'ne a mphe matla ke 'ne ke toto-be." A rialo.

O re leha e le mona a e-s'o hatise lipina tse ling tse ncha, Basotho ba bangata ba tlii'o ea Keresemeseng ka lipina tsena tse peli tseo ba li ratang haholo. "Ke hona ke sa phehile masutša, 'me ke lokela ho



nka nako kaha ho hatisa 'mino matsatsing ana ho le theko e boima haholo." Ke Thembi eo a bile a e ketsa ka hore ha joale morero o moholo ke ho bina libakeng tse fapakaneng ho boela a itsebahatsa ho batho ba bacha ba sa tsebeng 'mino oa hae, e le hore ba utloe hore na o bina joang.

O re o boetse hape h'a ntse a pheha letlapa le lecha le sa ntseng le le ka pitseng, o ntse a fereha beng ba libaka tse ling tse itseng tseo ho bonahalang batho bangata ba rata 'mino oa hae tse kang tsa mabenkele a khoebo, tsa boithabiso le

boithapallo ho sebetsa le bona e le sebini sa bona. A re o tsoere kathata ho holi-

sa le ho matlafatsa 'mino oa hae ka ho theha maqhama a setsoalle le lihlopha tse ling, "kaha 'mino oa ka o natefela batho haholo ke liletsa ha ke bina ke le sethaleng."

A qetella ka ho ipiletsa ho Basotho le ho barati bohle ba 'mino ho mo tšehetsa joalokaha ba tšehetsa libini tsa linaha tse ling tseo ba rekang li CD le li DVD tsa tsona tse ncha. Thembi Mapefane hajoale Sontaha se seng le se seng sa ho qetela sa khoele o ntse a thabisa Basotho ka 'mino oa hae o tsoakehileng hamonate libakeng tse kang Royal Ecopark, Maseru



Toantšo ea tai le lithetefatsi

Tšeliso Thakholi

Mokhethoa oa Lesotho oa libapali tsa mehleng o shapile oa Naha ea Afrika Boroa ka phafa ea 2-1 lipapaling tseo morero oa tsona o moholo e leng ho khothaletsa bacha ho nena tai le lithetefatsi, tse neng li bapalloa Leb-aleng la Bambatha, Maseru ka la 1 Pulungoana monongoa. Lipapali tsena e bile tsa boemo bo phahameng haholo tsa mekaubere e ileng ea bapalla linaha tsa habo tsona.

Mokhethoa oa Lesotho o neng o bopiloe ka libapali tse matla tse kenyeletsang har'a tse ling Tlali maile moetapele oa mehleng oa sehlopha sa Bantu, Bushy Moletsane le Refiloe Potse ea bileng a hlabela sehlopha sa habo ntlha o bapetse hantle haholo karolong ea pele ea papali kaha o ne o imetse oa Afrika Boroa hoo ho neng ho sa bonahale hantle hore na o tla hlaba ntlha joang.

Batho ba bangata ba ne ba ile ba ea le khongoana holimo hore Afrika Boroa joalokaha ho bonahala e tloetse ho intsetsa malokobe ho Lesotho lihlopheng tsohle tse kholo tsa naha, ba tla iphetela bolacha empa monahano oo o ile oa fetoha toro ea mohla Faro a neng a lora a bona tse otlileng li kometsa tse nonneng. Lihlopha li ile khefutsong Lesotho le ntse le matha pele ka 1-0.

Ha batšehetsi ba sehlopha sa Lesotho ba sa lebelletse tse kholo kamor'a ho bona papali e neng e khahla mahlo karolong ea pele ea papali, Lesotho le khutlile le se le lahlile morethetho haholo moleng o kamorao, 'me Afrika Boroa ea tla e se ithutile hore ho na le sekheo se seholo seo ba ka se sebelisang ho hlaba ntlha.

Ba etsa phethoho ea bohlokoa haholo ea ho kenya Sbusiso Zuma ea neng a hliile a hlokisa mola o kamorao oa Lesotho botsitso, ho fihlela a lekanya lintlha ka ho raha bolo ka lintho tseo a kileng a tuma ka tsona mehleng ea hae, e leng ka mokalangoane ea eba 1-1.

Le hoja ntlha ena e ile ea tsosa Afrika Boroa molota, bahlankana ba Lesotho ha ba ka ba itumella ho isoa holimo le tlase habonolo, 'me ba ile ba hlasela ka matla a maholo le ho neheletsana libolo ka makhethe ho fihlela Lawrence Molengoane a e beha kahare, eba Abram



Pali o utloa ka letšoele hore bolo e hakile letlooa ea eba 2-1.

Doctor Kumalo ea neng a leka ho bapala hantle bohareng ba lebaka, Jerry Sk'hosana le Lehlohonolo Majoro kapele, ba neng ba leka ho hlasela ba ile ba thula tha-

ba ka phatla kaha Mpitsa Marai le Tlali Maile ba ne ba sa batle letho moleng o kamorao. Papali e ile ea fela e le 2-1.

Ho ea ka khalala ea mehleng ea sehlopha sa Bantu le sa naha, Tlali Maile lipapali ke sona sebetse

se seholo sa bohlokoa se ka thusang ho hleka bacha linthong tse ka silafatsang bophelo ba bona. O re lipapali li ka boetse tsa thusa ho ba phathahanya ka ho ea mabaleng, 'me sena se etsa hore ba nke nako e telele ba le mabaleng hoo ba ka qe-

tellang ba sa ka ba fumana nako ea ho sebelisa tai le lithetefatsi.

E kholo ka ho fetisisa, o re li bopa bonngoe lipakeng tsa bona e le libapali tsa khale le ho bacha, 'me ka papali e kholo joaloka ena ba thusa bacha hore ba hlabollohe le ho ithuta hore kantie ho tšebeliso ea lithetefatsi ba ka phela hamonate nako e telele haholo.

E mong oa bacha Thato Molaoli o thoholelitse haholo morero ona o motle oa libapali tsa mehleng. A tiisa hore o'a o tšehetsa haholo kaha o le bohlokoa. A khothaletsa bacha ho nena tai le lithetefatsi.

A ipiletsa ho bahlophi-si hore e se ke ea e-ba mokhethoa oa naha e le 'ngoe feela empa ho ke ho be le oa linaha tse ling tsa mose kapa hona Afrika tse kang Nigeria, Morocco le Egypt. A re eena haesale a rata Doctor Khumalo ha ka Lesotho a rata Bushy Moletsane. "Batho bana ba babeli ba bapala bolo e tšoanang; kea ba rata." Ke eena eo.

LNOC e tšoara lipapali ka katleho

Tšeliso Thakholi

E le ho tšoea matsatsi a 360 pele ho lipapali tsa bacha tsa Youth Olympic Games tse il'o tšoareloa Motse-Moholo Dakar, Senegal ka la 31 Mphalane ho isa la 13 Pulungoana isao, Mokhatlo oa Lesotho oa Liolympic(LNOC), o ketekile matsatsi ao ka ho tšoarela bana ba Likolo tsa Mathomo ba lilemo li ka tlase ho 18 lipapali tse fapakaneng mabaleng a Olympafrika Centre, Lepereng ka la 1 Pulungoana 2025.

Likolo tsa Mathomo tse neng li keteka ka lipapali tsena tseo e leng lekhetlo la pele li tla be li bapalloa Afrika, e bile Qoaling, Lithabaneng, Makoanyane, Leqe, Thamae, bana bohle ba haufi le Olympafrika Centre ba likolo tse ling le ba sa keneng likolo ba ile ba amoheloa ka mofuthu ho tla ithapolla le ho ithabolla ka



lipapali.

Lipapali tseo bana ba neng ba qothisana lehlokoa ka tsona ke mabelo, basketball, volleyball le e ncha haholo e bitsoang archery. Morero o moholo oa LNOC ka lipapali tsena, e ne e se litholisano empa e le ho keteka pele ho lipapali tsa isao, ho thabisa bana, ho ba hlabolla, ho ba kenya moea oa lerato la lipapali le ho ba khothaletsa ho tšehetsa bacha ba Naha ea Lesotho

ba tla beng ba le teng lipapaling tsena isao le bacha bohle ba Afrika ba tlang ho kenela lipapali tsena.

Ho ea ka Mohlanka oa Liphatlalatso le Limmaraka oa LNOC, Monghali Pulumo Nchakha morero o mong oa lipapali tsena ke ho sisinya lihlopha ka lipapali tsa tsona tse fapakaneng ho qalella ho itokisetsa lipapali tsena, e sa le nako e se re tsa aha serobe phiri e se e jele. O re lipapali tsena e boetse

ke letšoao la pontšo ea tšehetso ho mokhethoa oa Lesotho o tlang ho boptjoa ha nako e se e atametse ho ea emela naha.

A tiisa hore lihlopha ka ho fapakana ha tsona li lokela ho ikoetlisa ka matla kaha ho e-na le tse ling tsa lipapali tseo hangata libapali li amoheloang ho kenela lipapali tsa Youth Olympic Games, ha li fihletse lipehelelo tse itseng tsa lipapali. A etsa mohlala ka lipapali tse kang tsa mabelo tseo libapali li tšoanelang ho fihlela linako tse tlang ho boleloa ha nako e ntse e atamela.

A re ka lipapali tsena ba fetisetse thuto ho bana bohle ba tikoloho eo Setsi sa Olympafrika se leng hona teng ka litšiea tsa bohlokoa tsa lipapali tse kenyeletsang har'a tse ling ho hola ha bana ba e-na le boitšoarobottle. A hlokomelisa bana bohle ba tikoloho ea Lithabaneng moo Setsi sa Olympafrika se leng hona teng hore mamati a butsoe ka linako tsohle ho tla ithapolla le ho bapala lipapali ka ho fapakana ha tsona mabaleng a sona, molemong oa ho matlafatsa talenta ea bona le bokamoso bo phethehileng.

A qetella ka ho bontša ho tšoenyeha ho hoholo ka maemo a seng a se matle a mabala a teng Setsing, empa a tšepisa hore mokhatlo oa habo o se o etse hloko boemo bona 'me o ntse o ithophela ho tla a nchafatsa.





Mazenod

PRINTING WORKS

Prepare good People for The Lord

We cover your books with:

Novalites Black cloth and Plum Cloth

Re ka u kenyetša 'covers' tse
boletsoeng ka hollimo li na le 'Title'
kapa lebitso la hau.
Re etele kapa oa re letsetša ho
fumana tlhaloso tse ling moo u
nang le lipotso.

Plum Cloth covering

tailoring@mazenodprinting.co.ls

28 350 814 / 28 350 815

Binding Services

NOVALITES BLACK CLOTH COVER PRICE LIST

Lifela tsa Linoto	M107.00	M357.00
Lifela tsa Mantsoe	M105.00	M355.00
Missale A,B,C	M107.00	M357.00
Combined Missale (A,B & C)	M225.00	M475.00
Misale le Mothusi	M112.00	M362.00
Thapelo ea Kereke	M112.00	M 362.00
Bible	M112.00	M362.00
Lepato	M105.00	M355.00
Beke e Halalelang	M105.00	M355.00
Binelang Molimo	M105.00	M35.00
Litlhoahonolofatso	M200.00	M450.00

- Covered without your name & title
- Covered with your name & title

